



Om avtalen går i boks, vil dette huset på småbruket verta pussa opp til 2010 sesongen(Foto: Anne Kari Enes)

**At området rundt Fjellandsbø er ei naturperle, kan det ikkje vera tvil om. Dei seinare åra har m.a. Bergen Turlag og Kvinnherad Turlag hatt positive friluftaktivitetar og arrangement i dette området. No ønskjer dei å leiga hus på småbruket Fjellandsbø for å styrkja dette.**

- Vi er i dialog med eier av stedet for å få i stand en avtale, seier hytte- og ruteansvarleg i Bergen Turlag, Karl H. Olsen til medlemsbladet Sti og Varde i artikkelen 'Attraktivt i Uskedalen'. Han seier vidare at dei synest prosjektet er svært interessant og dei håpar å få til ein avtale no i vår.

- Det er en stor fordel for oss at vi har et så aktivt lokallag i Kvinnherad. De vil sikre oppfølging av stedet hvis og når det realiseres. Innvendig trenger huset noe ombygging, men dette har vi erfaring med, og det er ikke noe vi kvir oss for. Men finansieringen må selvsagt på plass, seier Olsen vidare.

Ved kontoret til Bergen Turlag får vi opplyst at dei har svært god erfaring med liknande prosjekt andre stader. Også grunneigarar og bygdefolk har gjeve tilbakemeldingar om at dei er svært fornøgde. Dei understrekar at her er det slett ikkje snakk om masseturisme, men dei ønskjer å utvikla og gje eit betre aktivitetstilbod knytt til denne naturperla. No håpar dei på å få gjort endeleg avtale med grunneigar og starta på oppussingsarbeidet. Då kan det vera håp om at det kan vera klart til 2010-sesongen.

Elles får området svært god omtale i tidlegare nemnde artikkel i Sti og Varde. Vi tar med følgjande sitat: Det er DNT Fjellsport Bergen som har ivret mest for å få i stand en løsning for drift av denne gården i Uskedalen. Etter befarung har både fjellsportgruppen og resten av Turlaget sett flere bruksmuligheter på helårsbasis. Det går kjerrevei fram til huset, og det er fin innmark og et vatn like ved. Omkring rager høye fjell. Deler av Uskedalen er landskapsvernområde i tilknytning til Folgefonna nasjonalpark. Men mens vi håper på hus, blir det flere arrangementer i Uskedalen utover våren og sommeren, bl.a. i regi av DNT fjellsport, som har hatt samlinger i Uskedalen oginviterer til flere i år. Også DNT ung Bergen – altså ungdomsgruppen i Bergen Turlag, skal ha arrangementer der, og ikke minst: BaseCamp for ungdom i sommer, 3.– 7. august.

Ikkje tvil om at turlaga og aktivitetane deira er med og marknadsfører Fjellandsbø-området og Uskedalen på ein svært så positiv måte!

Av: Thor Inge Døssland



(Foto: Anne Kari Enes)